

Nr.: 03-9/1
Shkup : 11.01.2022

Në bazë të nenit 28 paragrafi (5) të Ligjit për mbrojtjen e konkurrencës (Gazeta zyrtare e RM, nr. 145/10, 136/11, 41/14, 53/16 dhe 83/18) dhe nenit 5 nga Ligji për kontrollin e ndihmës shtetërore (Gazeta zyrtare e Republikës së Maqedonisë, nr. 145/10), Komisioni për Mbrojtjen e Konkurrencës në seancën e mbajtur më 11.01.2022, solli

MENDIM

Komisioni për Mbrojtjen e Konkurrencës e shqyrtoi informacionin e dorëzuar nga Ministria e Transportit dhe Lidhjeve me nr. 02-7808/2, të datës 21.12.2021 (Nr. ynë 03-218/1, datë 22.12.2021) për nevojën e miratimit të Programit për mbështetjen financiare të transportuesve ajrorë. Me Programin për përcaktimin e mjeteve të nevojshme për dhënien e mbështetjes financiare për nxitjen dhe zhvillimin e trafikut ajror në Republikën e Maqedonisë së Veriut për transportuesit vendas dhe të huaj për periudhën 2022-2025, synohet inkurajimi dhe zhvillimi i trafikut ajror në Republikën e Maqedonisë së Veriut të transportuesve vendas dhe të huaj me qëllim të zhvillimit më të shpejtë të aviacionit civil dhe formimit të çmimeve më konkurruese dhe më të volitshme në trafikun ajror për periudhën nga 1 mars 2022 deri më 1 mars, 2025.

Në informatën e dorëzuar nga Ministria e Transportit dhe Lidhjeve, thuhet se bazë për miratimin e Programit të lartpërmendur është neni 38 paragrafi (3) i Ligjit për aviacion (Gazeta Zyrtare e Republikës së Maqedonisë, nr. 14/06, 24/07, 103/08, 67/10, 24/12, 80/12, 155 / 12, 42/14, 97/15, 152/15, 27/16, 31/16 dhe 64/18 dhe "Gazeta Zyrtare e Republikës së Maqedonisë së Veriut", nr. 220/19) në të cilën është paraparë, Për përcaktimin e mbështetjes financiare nga paragrafi (1) i këtij neni, Qeveria e Republikës së Maqedonisë së Veriut do të miratojë program trevjeçar, pas mendimit të marrë paraprakisht nga Ministria e Financave dhe Komisioni për Mbrojtjen e Konkurrencës.....

Në Programin për përcaktimin e mjeteve të nevojshme për dhënien e mbështetjes financiare për nxitjen dhe zhvillimin e komunikacionit ajror në Republikën e Maqedonisë së Veriut për transportuesit vendas dhe të huaj për periudhën 2022 - 2025, janë paraparë mjete financiare në vlerë të përgjithshme prej 312.420.000 denarë, të cilat sipas nenit 38-a dhe paragrafit (6) të Ligjit për aviacion sigurohen nga Buxheti i Republikës së Maqedonisë së Veriut, përkatësisht nga buxheti i njërive të vetëqeverisjes lokale. Për çdo vit, shuma e mjeteve parashihet të jetë:

- për vitin 2022 52.643.000 denarë
- për vitin 2023 121.210.000 denarë
- për vitin 2024 121.210.000 denarë dhe
- për vitin 2025 17.357.000 denarë.

Komisioni për Mbrojtjen e Konkurrencës thekson faktin se gjatë vazhdimit të këtij lloji të mbështetjes, duhet të merren plotësisht parasysh Udhëzimet e Komisionit Evropian për ndihmën shtetërore për aeroportet dhe trafikun ajror (Guidelines on State aid to airports and airlines 2014/C 99/03).

Rrjedhimisht, para fillimit të mundshëm të procedurës së re, është e nevojshme që dhënësi i ndihmës shtetërore, përkatësisht Ministria e Transportit dhe Lidhjeve, në përputhje me nenin 6 paragrafi (1) të Ligjit për kontrollin e ndihmës shtetërore të paraqesë një njoftim për dhënien e planifikuar të ndihmës në përputhje me nenin 13 të Ligjit për kontrollin e ndihmës shtetërore (Gazeta Zyrtare e Republikës së Maqedonisë, nr. 145/10) dhe në përputhje me Dekretin për mënyrën dhe procedurën e dorëzimit të njoftimit për dhënien e ndihmës shtetërore, si dhe procedurën për mbikëqyrjen e ndihmës ekzistuese shtetërore ("Gazeta zyrtare e RM", nr. 142/11).

Sipas asaj që u tha më sipër, dhe duke marrë parasysh legjislacionin për ndihmën shtetërore, Komisioni për Mbrojtjen e Konkurrencës tregon faktin se ai si institucion është përgjegjës për vlerësimin dhe mbikëqyrjen e çdo forme të ndihmës shtetërore - neni 10 i ligjit për kontrollin e ndihmës shtetërore. Rrjedhimisht, në pyetjen nga pika 4 e Memorandumit të dorëzuar në Qeverinë e Republikës së Maqedonisë së Veriut: nëse materiali përmban elemente të ndihmës shtetërore, përgjigja JO është zgjedhur nga Ministria e Transportit dhe Lidhjeve, e cila është në kundërshtim me legjislacionin për ndihmën shtetërore, sepse Komisioni për Mbrojtjen e Konkurrencës do të vlerësojë nëse këto masa të konceptuara përbëjnë ndihmë shtetërore dhe janë në përputhje me legjislacionin për ndihmën shtetërore dhe si të tilla lejohen për zbatim nga dhënësit e ndihmës shtetërore.

KRYETAR
I KOMISIONIT PËR MBROJTJEN E KONKURRENCËS
Prof. Dr. Владимир Наумовски